



# ՄԱՍԼՈ ՀԱՂՈՐԴԱԳՐՈՒԹՅՈՒՆ

07 Դեկտեմբերի, 2015թ.

ք. Երևան

## **Կառավարություն - Քաղաքացիական հասարակություն հակակոռուպցիոն աշխատանքային խմբի աշխատանքային քննարկման**

2015 թվականի դեկտեմբերի 8-ին, ժամը 10:00-ին Երեբունի Պլազա բիզնես կենտրոն, Ուրարտու սրահում ՀՀ արդարադատության նախարարությունը, «Հայաստանի երիտասարդ իրավաբանների ասոցիացիա» հասարակական կազմակերպությունը, գործընկեր «Ինֆորմացիայի ազատության կենտրոն» հասարակական կազմակերպությունը ԵՄ ֆինանսավորմամբ և ԵԱՀԿ երևանյան գրասենյակի համաֆինանսավորմամբ իրականացվող «Կոռուպցիայի դեմ պայքարի բազմակողմանի խթանում» ծրագրի շրջանակներում կազմակերպում են Կառավարություն - Քաղաքացիական հասարակություն հակակոռուպցիոն աշխատանքային խմբի հանդիպումը:

Հանդիպմանը մասնակցելու են ներկայացուցիչներ Հայաստանում ԵՄ պատվիրակությունից, ԵԱՀԿ երևանյան գրասենյակից, այլ միջազգային կազմակերպություններից, ՀՀ Կառավարությունից, այլ պետական և տեղական մարմիններից, ՔՀԿ-ների հակակոռուպցիոն կոալիցիայից, հասարակական կազմակերպություններից և ՁԼՄ-ներից:

Հանդիպմանը ողջույնի խոսքով հանդես են գալու ՀՀ արդարադատության նախարարության ներկայացուցիչը, Հայաստանում ԵՄ պատվիրակության և ԵԱՀԿ երևանյան գրասենյակի ներկայացուցիչները, «Հայաստանի երիտասարդ իրավաբանների ասոցիացիա» ՀԿ նախագահ, ծրագրի ղեկավար, ՔՀԿ-ների հակակոռուպցիոն կոալիցիայի քարտուղարության համակարգող Կարեն Ջադոյանը: Աշխատանքային հանդիպման ընթացքում ներկայացվելու են ՀՀ-ում ապօրինի հարստացման քրեականացման մարտահրավերներն ու տեսլականը, քննարկվելու են ՀՀ քրեական օրենսգրքի նախագծում ապօրինի հարստացման վերաբերյալ դրույթը, ՀՀ-ում ապօրինի հարստացման քրեականացման անհրաժեշտությունը և խնդիրները:

Ծրագրի հիմնական նպատակն է մեծացնել ՔՀԿ-ների դերը հակակոռուպցիոն բարեփոխումների խթանման և իրականացման գործում: Ծրագրի շրջանակներում կհորատվեն ՔՀԿ-ների և ՁԼՄ-ների մոնիթորինգի և վերահսկողության կարողությունները: Կկազմակերպվեն հակակոռուպցիոն դասընթացներ ՀՀ մարզերում ՔՀԿ-ների և ՁԼՄ-ների համար՝ կոռուպցիոն բնույթի և տեղեկատվության ազատության խնդիրներն առավել լավ ըմբռնելու համար: Այս միջոցառումների նպատակը հակակոռուպցիոն գործողությունների իրականացման առկա հնարավորությունների խորացումն է: Հանրային վերահսկողության արդյունավետության բարձրացման և համապատասխան մոնիթորինգային, վերահսկողական և հետաքննական ծրագրերի իրականացման նպատակով կտրամադրվեն փոքր դրամաշնորհներ: Հակակոռուպցիոն ինստիտուցիոնալ մեխանիզմների ամրապնդման համար ՔՀԿ-ների մասնակցությամբ կմշակվի ՔՀԿ-կառավարություն կայուն երկխոսություն:

Ծրագրին իրականացվում է Եվրոպական միության ֆինանսական օժանդակությամբ՝ «Հայաստանի երիտասարդ իրավաբանների ասոցիացիա» ՀԿ-ի կողմից (իրականացնող)՝ «Ինֆորմացիայի ազատության կենտրոն» ՀԿ-ի հետ համագործակցությամբ (գործընկեր): Ծրագրի տևողությունը 3 տարի է (2014 թվականի հունվարից 2016 թվականի դեկտեմբեր): Ծրագրի բյուջեն կազմում է 650.000 եվրո, որից ԵՄ ներդրումը կազմել է 585.000 եվրո, ԵԱՀԿ երևանյան գրասենյակի ներդրումը՝ 15.600 եվրո:

**Հայաստանի երիտասարդ իրավաբանների ասոցիացիան** (ՀԵԻԱ) ստեղծվել է 1995թ.-ին: ՀԵԻԱ-ի առաքելությունն է նպաստել Հայաստանում իրավունքի գերակայության, ժողովրդավարության և քաղաքացիական հասարակության կայացմանը, որտեղ բնակչությունը իրազեկ է, իսկ նրա իրավունքները՝ պաշտպանված:

**Ինֆորմացիայի ազատության կենտրոնը** (ԻԱԿ) գործում է ավելի քան 10 տարի: ԻԱԿ-ի առաքելությունն է նպաստել տեղեկատվության ազատության մասին օրենսդրության կիրառմանը, ՀՀ կառավարման համակարգի թափանցիկությանն ու հրապարակայնությանը և այդ համակարգում քաղաքացիական հասարակության մասնակցության ապահովմանը:

**Լրացուցիչ տեղեկությունների համար կարող եք դիմել Ինֆորմացիայի ազատության կենտրոն, աշխատանքային օրերին, ժամը 9.00-18.00; հեռ. (+374 10) 560 360; URL <http://www.foi.am>, էլ. փոստ՝ [foi@foi.am](mailto:foi@foi.am)**



Եվրոպայում անվտանգության և համագործակցության կազմակերպություն երևանյան գրասենյակ

Հայաստանի երիտասարդ իրավաբանների ասոցիացիա  
Հասցե՝ Նալբանդյան 7, քմ. 2 Երևան, Հայաստան, 0010  
Հեռախոս: +37410 54 01 99  
Հեռապատճեն: +37410 58 02 99

Ինֆորմացիայի ազատության կենտրոն  
Հասցե՝ Բուզանդի 1/3 Երևան, Հայաստան, 0010  
Հեռախոս: +37410 56 03 60  
Հեռապատճեն: +37410 56 03 60

Ծրագիրը համաֆինանսավորվում է Եվրոպական միության կողմից  
Հայաստանում Եվրոպական միության պատվիրակություն  
Հեռախոս +37410 54 64 94  
Հեռապատճեն +37410 54 64 95

Եվրասիան ծախսերը ԵՄ գործադիր մարմինն է: Եվրամիությունն ունի 28 անդամ երկիր, որոնք որոշել են աստիճանաբար կապակցել իրենց նոու-հաուս, ռեսուրսներն ու ուղիները: 50 տարվա ընդարձակման ժամանակահատվածում նրանք միասին ստեղծել են կայունության, ժողովրդավարության ու կայուն զարգացման տարածք՝ պահպանելով մշակութային գանգալությունը, հանդուրժողականությունը և յուրաքանչյուրի անկախությունը: Եվրամիությունը հանձնառու է կիսել իր ձեռքբերումներն ու արժեքները իր սահմաններից այն կողմ գտնվող երկրների ու ժողովուրդների հետ:

Ծրագիրը համաֆինանսավորվում է ԵԱՀԿ երևանյան գրասենյակի կողմից  
Հեռախոս +374 10 229610  
Հեռապատճեն +374 10 229615

ԵԱՀԿ երևանյան գրասենյակը գործում է 1999թ.ից, որի առաքելությունն է աջակցել Հայաստանին զարգացնելու իր ժողովրդավարական հաստատությունները և ամրապնդելու քաղաքացիական հասարակությունը՝ գործելով օրենսդրական բարեփոխումների, կոռուպցիայի և թրագիծների դեմ պայքարի, բնապահպանական, մարդու իրավունքների իրազեկման բարձրացման, լրատվամիջոցների ազատության և այլ ոլորտներում: